



Programi – fëmijë dhe kohë e lirë

ALBANSKA

Programi – fëmijë dhe kohë e lirë është një program i cili ju çon deri te diploma profesionale.

Programi – fëmijë dhe kohë e lirë i'u drejtohet ju që dëshironi të punoni me fëmijë, të rinj dhe të rritur. Ju do të mësoni rreth njerëzve në mosha të ndryshme dhe me parakushte të ndryshme.

Ju keni mundësi të filloni punën menjëherë pas kryerjes së shkollës, ose të studioni në ndonjë shkollë të lartë profesionale. Gjithashtu, ju keni mundësi të zgjedhni kurse ekstra për të studiuar më tutje në shkollë të lartë.

TRI DREJTIME TË NDRYSHME

Koha e lirë dhe shëndeti

- Ju do të mësoni rreth kohës së lirë, shëndetit dhe mirëqenies fizike. Ky drejtim u jep mundësi punësimi, si p.sh. personel në bazene dhe halla notimi, personel në objekte/vende sportive dhe trainer personal.

Punë pedagogjike

- Ju do të mësoni rreth të mësuarit dhe rritjes së fëmijëve dhe të rinjve. Ky drejtim u jep mundësi punësimi, si p.sh. edukator fëmijësh dhe asistent nxënësish.

Punë sociale

- Ju do të mësoni se si t'i pritni njerëzit në situata të ndryshme dhe se si t'u jepni mbështetje dhe shërbim. Ky drejtim u jep mundësi punësimi, si p.sh. rojtar, asistent personal, punë me njerëz me pengesa funksionale në kuadër të banimit dhe veprimatrisë ditore për këta njerëz.

Këto gjëra do t'i mësoni në këtë program

Ju do të mësoni rreth të mësuarit dhe rritjes, bashkëpunimit dhe komunikimit. Ju do të ushtroheni të ndesheni me njerëz dhe do t'i zhvilloni aftësit t'uaja të jeni sensitiv ndaj nevojave të tyre. Ju do t'a vrisni mendjen se si njerëzit jetojnë bashkë dhe cilat mundësi i kanë për t'u zhvilluar. Ju do të mësoni rreth shëndetit dhe ambientit të punës.

Në këtë program, rëndësi të veçant u kushtohet etikës, vlerave demokratike dhe drejtave të njeriut.

Programi është i hartuar në këtë mënyrë

Në shkollat e mesme profesionale, lëndët e përbashkëta të arsimit të mesëm janë: gjuha angleze, historia, edukata fizike dhe shëndeti, dituri natyre, dituri religjioni, dituri shoqërore, gjuhë dhe letërsi suedeze dhe suedishtja si gjuhë e dytë.

Në programet profesionale ju do të mësoni më shumë lëndë profesionale, të ashtuquajtura lëndë specifike e më pakë lëndë që i keni pasur në shkollën filllore.

Lëndë specifike të përbashkëta të këtij programi janë: shëndeti, dituri natyre, pedagogji, dituri shoqërore, gjuhë suedeze apo suedishtja si gjuhë e dytë.

Ju e keni mundësinë të specializoheni dhe të zgjeroheni edhe me shumë brenda këtij programi profesional. Një gjë e tillë quhet, thellim në program. Pyetni shkollën se cilat lëndë thellimi ju ofronë ajo.

Ju e keni poashtu edhe përzgjedhjen individuale, ku ju vetë zgjedhni cilat lëndë doni t'i mësoni. Pyetni shkollën se cilat kurse i posedojnë.

Format e punës

Ky program pikënisjen e ka te problemet e ndryshme praktike, zgjidhjen e të cilave e bëni bashkarisht apo në mënyrë individuale. Ju do t'i ushtroni aftësitë t'uaja për të marrë iniciativë dhe për të qenë kreativ si dhe do të mësoni se si udhëhiqet një firmë private. Ju do të mësoni të planifikoni, realizoni dhe dokumentoni punën.

Punim përfundimtar i shkollës së mesme

Në përfundim të programit – fëmijë dhe kohë e lirë, ju duhet të përpiloni një punim të shkollës së mesme, brenda lëmisë së profesionit t'uaj të zgjedhur, ku do të dëshmoni se jeni pajisur me ato dituri që u nevojiten për të filluar punën në atë drejtim për të cilin jeni arsimuar.

Të mësuarit në vend pune

Disa pjesë të mësimit zhvillohen në një apo më shumë vende të punës, më së paku gjatë 15 javëve të mësimit dhe quhet të mësuarit në vendin e punës. (suedisht: APL). Kjo është një pjesë përbërëse shumë me rëndësi e shkollimit t'uaj. Apl u jep përvoja dhe kontakte të shumta për të cilat do të keni nevojë kur të kërkonit punë.

Trajnim shëgertësh

Në kuadër të këtij programi keni mundësi të zgjedhni trajnim shëgerti të nivelit të arsimit të mesëm. Kjo do të thotë se ju do të përfitoni dituri të njëjta, por kjo kërkon që së paku gjysma e mësimit duhet të kryet në një apo disa vende pune.

Mendohuni mirë

Nëse doni t'a përfitoni kompetencën themelore për arsim të lartë, është e rëndësishme që t'i planifikoni studimet t'uaja. Në këtë rast ju duhet t'a shfrytëzoni përzgjedhjen individuale si dhe ju do të keni nevojë të mësoni një program më të zgjeruar. Pra i'u duhet të mësoni edhe dy kurse tjera të gjuhës suedeze apo suedishtja si gjuhë e dytë si dhe një kurs të gjuhës angleze. Mos hezitoni të flisni me një këshilltar të orientimit arsimor dhe profesional nëse dëshironi të studioni më tutje.

Ju keni gjithmonë të drejtë që në kuadër të përzgjedhjes individuale, të zgjedhni një kurs më shumë në edukatë fizike dhe shëndet dhe një lëndë estetike.